

HELAIAN PENDEDAHAN PRODUK	Etika Family Takaful Berhad ("Pengendali Takaful /Kami")
Sila baca Helaian Pendedahan Produk ini sebelum anda memutuskan untuk menyertai pelan e-CancerCare Takaful. Anda juga diminta untuk membaca terma dan syarat amnya.	e-CancerCare Takaful
	<Tarikh>

1. Apakah ciri-ciri produk ini?

e-CancerCare Takaful ialah satu pelan perlindungan tulen yang melindungi kanser dari peringkat awal hingga peringkat akhir, sehingga 20 tahun. Produk ini tidak menyediakan sebarang elemen simpanan atau pelaburan.

2. Apakah konsep-konsep Syariah yang digunakan?

Tanggungjawab untuk membayar sumbangan dan menerima manfaat, adalah berdasarkan konsep Tabarru'. Tabarru' membolehkan peserta untuk memenuhi tanggungjawab bantuan dan jaminan bersama.

Kami dilantik sebagai pengendali Takaful di bawah struktur Wakalah. Struktur Wakalah adalah hubungan agensi antara dua pihak. Fi Wakalah dibayar kepada Kami untuk menanggung kos pengurusan dan pengedaran pelan.

Sumbangan ditolak fi Wakalah akan disalurkan ke dalam Dana Risiko Peserta (DRP). Lebihan pengunderaitan daripada DRP, akan diagihkan mengikut sijil lebihan yang telah diluluskan oleh jawatankuasa Syariah Kami. 50% daripada sebarang lebihan yang diagihkan akan dikongsi di antara peserta-peserta yang sijilnya masih berkuat kuasa dan tidak membuat tuntutan dalam tahun kewangan tersebut. Manakala baki 50% lagi akan dibayar kepada Kami kerana mengendalikan dan menguruskan DRP, berasaskan kontrak Ju'alah. Ju'alah adalah kontrak upah yang menentukan asas pengagihan perkongsian lebihan daripada DRP yang dipersetujui antara Pengendali Takaful dan Peserta.

Perkongsian lebihan yang diagihkan kepada peserta adalah terkumpul dalam dana berasingan. 85% daripada keuntungan pelaburan dana berasingan akan dikongsi di kalangan peserta-peserta, di mana sijilnya masih berkuat kuasa, dan baki 15% akan dibayar kepada Kami berasaskan kontrak Mudarabah. Mudarabah adalah kontrak persetujuan bersama di antara Kami dan peserta untuk keuntungan pelaburan atau kerugian. Dana berasingan tersebut akan dibayar pada tarikh tamat tempoh sijil, atau jika diminta oleh peserta pada bila-bila masa sebelum tamat tempoh sijil dengan syarat amaun yang diminta adalah sekurang-kurangnya RM500.

3. Apakah perlindungan / manfaat yang diberikan?

No.	Perlindungan / Manfaat	Huraian Manfaat
1	Manfaat Kanser Peringkat Awal	Sekiranya orang yang dilindungi didiagnosis dengan salah satu kanser peringkat awal dan masih hidup sekurang-kurangnya 30 hari dari tarikh didiagnosis, 30% daripada RM<jumlah yang dilindungi> akan dibayar. Senarai kanser peringkat awal adalah seperti yang berikut: i) Karsinoma in situ ii) Kanser Pundi Kencing Peringkat Awal iii) Leukemia Limfositik Kronik Peringkat Awal iv) Kanser Prostat Peringkat Awal v) Kanser Tiroid Peringkat Awal Bayaran manfaat kanser peringkat awal akan mengurangkan jumlah yang dilindungi dengan amaun yang sama dan hanya akan dibayar sekali sahaja.
2	Manfaat Kanser Utama	Sekiranya orang yang dilindungi didiagnosis dengan salah satu kanser utama dan masih hidup sekurang-kurangnya 30 hari dari tarikh didiagnosis, RM<jumlah yang dilindungi> akan dibayar. Sekiranya kanser peringkat awal telah dituntut sebelum ini, maka manfaat kanser utama akan dikurangkan dengan bayaran yang dibuat di bawah manfaat kanser peringkat awal, iaitu 70% daripada RM<jumlah yang dilindungi> akan dibayar. Sijil akan ditamatkan setelah bayaran manfaat kanser utama, tiada manfaat lain akan dibayar selepas itu.
3	Manfaat Kanser Peringkat Akhir	Sekiranya orang yang dilindungi didiagnosis dengan salah satu kanser peringkat akhir dan masih hidup sekurang-kurangnya 30 hari dari tarikh didiagnosis, 150% daripada RM<jumlah yang dilindungi> akan dibayar.

		Sekiranya kanser peringkat awal telah dituntut sebelum ini, maka manfaat kanser peringkat akhir akan dikurangkan dengan bayaran yang dibuat di bawah manfaat kanser peringkat awal, iaitu 120% daripada RM<jumlah yang dilindungi> akan dibayar. Sijil akan ditamatkan setelah bayaran manfaat kanser peringkat akhir, tiada manfaat lain akan dibayar selepas itu.
--	--	---

Tahun Sijil: <term> tahun.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Kami atau PIDM (layari www.pidm.gov.my).

4. Berapakah jumlah sumbangan yang perlu saya bayar?

Sumbangan anggaran yang perlu anda bayar ialah RM <sumbangan> <mod: tahunan / bulanan>. Tempoh bayaran sumbangan ialah <tempoh> tahun berdasarkan tempoh sijil yang telah anda pilih.

Sumbangan yang ditunjukkan adalah berdasarkan umur yang telah dicapai anda (umur hari jadi berikutnya) pada tarikh permulaan. Sumbangan mungkin akan dinaikkan pada hari pertama tahun sijil seterusnya, mengikut umur yang telah dicapai anda. Sila rujuk kepada ilustrasi pemasaran untuk amaun sumbangan bagi tahun sijil seterusnya. Kadar sumbangan adalah tidak dijamin dan Kami berhak untuk mengubah kadar sumbangan dengan memberikan notis 3 bulan lebih awal.

Semua sumbangan (jika berkenaan) akan tertakluk kepada caj-caj atau cukai-cukai yang berkenaan yang ditentukan perlu oleh pihak berkuasa percukaian Malaysia. Adalah penting untuk menyimpan setiap resit yang Anda terima sebagai bukti pembayaran sumbangan.

5. Apakah fi-fi dan caj-caj yang perlu saya bayar?

Fi Wakalah adalah penolakan 25% dari sumbangan, dan RM50 dari sumbangan pada setiap tahun bagi setiap sijil. Jumlah fi Wakalah yang anda perlu bayar adalah RM<total wakalah amount> atau <total wakalah percentage>% dari jumlah sumbangan sepanjang <certificate term> tahun. Tiada komisen di caj ke atas produk ini, seluruh fi Wakalah dibayar kepada Kami bagi tujuan menanggung kos pengurusan pelan ini.

6. Apakah terma dan syarat utama yang perlu saya tahu?

- Kepentingan Pendedahan – Untuk membantu Kami membuat keputusan yang tepat dalam menerima risiko dan menentukan kadar dan terma-terma sijil anda, anda dikehendaki menyatakan dengan sepenuhnya semua maklumat yang relevan, termasuk keadaan perubatan (jika berkenaan) dan umur dengan betul. Sekiranya maklumat ini ditahan atau didapati tidak tepat, ia berkemungkinan akan menyebabkan pembatalan kontrak, tuntutan tidak dibayar, atau terma dan syarat sijil diubah.
- Tempoh Percuma – Anda mempunyai pilihan untuk membatalkan sijil atas sebarang sebab dengan memaklumkan kepada Kami secara bertulis dalam tempoh 15 hari selepas sijil telah diterima. Kami akan membatalkan sijil ini dan mengembalikan sumbangan yang telah dibayar. Sila ambil perhatian bahawa untuk tujuan menentukan tempoh 15 hari, sijil ini akan dianggap sebagai telah dikembalikan kepada Kami pada tarikh Kami menerima sijil ini jika dihantar sendiri atau pada tarikh penghantaran pos jika sijil ini dihantar kepada Kami melalui pos berdaftar atau pada tarikh transmisi jika sijil ini dihantar secara elektronik.
- Pembayaran sumbangan perlu diterima dalam tempoh tangguh selama 31 hari dari tarikh sumbangan tersebut perlu dibayar. Sekiranya sumbangan yang perlu dibayar tersebut tidak diterima dalam masa tempoh tangguh tersebut, sijil anda akan menjadi luput.
- Kami akan membayar manfaat kanser dengan syarat orang yang dilindungi masih hidup sekurang-kurangnya 30 hari selepas tarikh diagnosis.

Nota: Senarai ini adalah tidak menyeluruh. Sila rujuk kepada sijil untuk terma-terma dan syarat-syarat yang terperinci.

7. Apakah pengecualian utama di bawah sijil ini?

Tiada manfaat akan dibayar untuk kanser peringkat awal, kanser utama atau kanser peringkat akhir yang berlaku secara langsung atau tidak langsung disebabkan oleh:

- Virus Kurang Daya Tahan Manusia (HIV) atau Sindrom Kurang Daya Tahan Melawan Penyakit (AIDS);
- Tanda-tanda atau simptom-simptom kanser peringkat awal, kanser utama atau kanser peringkat akhir berlaku dalam 60 hari selepas tarikh permulaan atau pengembalian semula sijil yang terdekat;
- Keadaan sedia ada (kecuali didedahkan dan diterima semasa permohonan);
- Alkohol atau penyalahgunaan dadah;
- Pencemaran radioaktif yang berpunca daripada bahan api, senjata, bahan buangan atau pemprosesan;
- Kecederaan diri yang disengajakan cuba membunuh diri, ketika siuman;
- Aktiviti yang menyalahi undang-undang;
- Kegagalan untuk mendapatkan atau mematuhi nasihat perubatan dan/atau rawatan, atau penangguhan dalam mendapatkan atau mematuhi nasihat perubatan atau rawatan yang ditentukan yang tidak munasabah.

Nota: Senarai ini adalah tidak menyeluruh. Sila rujuk pada sijil untuk pengecualian yang menyeluruh.

8. Bolehkah saya membatalkan sijil ini?

Sekiranya notis pembatalan bertulis diterima selepas tempoh 15 hari tersebut, anda berhak ke atas lebihan yang diagihkan yang terkumpul, jika ada.

9. Apakah yang perlu saya lakukan sekiranya terdapat perubahan kepada butir-butir peribadi saya?

Adalah penting untuk anda memaklumkan kepada Kami segala perubahan kepada butir-butir peribadi anda (termasuk penama) supaya Kami boleh menghubungi anda tepat pada waktunya. Sila e-melkan kepada info@etiga.com.my, atau hubungi Etiqa Oneline ditalian 1-300-13-8888.

10. Di manakah saya boleh memperoleh maklumat lanjut?

Jika anda mempunyai sebarang pertanyaan, atau memerlukan maklumat lanjut, sila hubungi Etiqa Oneline ditalian 1-300-13-8888, atau tulis ke Etiqa Family Takaful Berhad (199701011506), Dataran Maybank, No 1, Jalan Maarof, 59000 Kuala Lumpur; atau faksimili ke 03-2297 3800, atau e-mail ke info@etiga.com.my; atau hubungi talian 03 – 2297 3888, atau kunjungi www.etiga.com.my. Etiqa Family Takaful Berhad dilesenkan di bawah Akta Perkhidmatan Kewangan Islam 2013 dan dikawalselia oleh Bank Negara Malaysia.

11. Lain-lain jenis perlindungan serupa yang ada.

Sila rujuk kepada laman web Kami di www.etiga.com.my untuk jenis-jenis perlindungan serupa yang sedia ada.

NOTA PENTING:

PENYERTAAN DALAM SIJIL TAKAFUL KELUARGA MERUPAKAN SUATU KOMITMEN KEWANGAN JANGKA PANJANG. ANDA HARUS MEMILIH JENIS SIJIL YANG PALING SESUAI DENGAN KEADAAN PERIBADI ANDA. ANDA JUGA PERLU MEMBACA DAN MEMAHAMI SIJIL ANDA ATAU HUBUNGI KAMI UNTUK MAKLUMAT LANJUT.

Maklumat yang disediakan dalam helaian pendedahan produk ini sah pada **<issue date>**.